

御纂醫宗金鑑卷三十六

編輯傷寒心法要訣目錄

傷寒傳經從陽化熱從陰化寒原委

太陽風邪傷衛脈證

太陽寒邪傷營脈證

風寒營衛同病脈證

誤服三湯致變救逆

三陽受病傳經欲愈脈證

陽明表病脈證

陽明熱病衄證

陽明府病衄證

陽明慎汗慎清慎下

少陽衄證

少陽或病柴胡湯加減法

少陽禁汗禁吐禁下

少陽可吐可汗可下

三陽合病併病

三陰受病傳經欲愈衄證

太陰陰邪衄證

太陰陽邪衄證

太陰陽明表裏同病

少陰陰邪衄證

少陰陽邪衄證

少陰太陽表裏同病

厥陰陰邪衄證

厥陰陽邪衄證

少陰厥陰外熱裏寒衄證

兩感

汗下失宜致變壞證

表證

裏證

陽證

陰證

陽盛格陰

陰盛格陽

陽毒

陰毒

御纂醫宗金鑑卷三十六

編輯傷寒心法要訣

傷寒一證仲景論中立三百九十七法一百一十三方神明變化可謂既詳且盡矣其治雜證也則有金匱要畧分門別類包舉該括無非示人以規矩準繩欲其觸類傍通以應變於無窮也但其辭旨古奧義蘊幽深條目繁多未易領會人多苦之茲特撮其要旨編爲誦訣俾學者便於熟讀默記融會貫通然

後再玩味全書則易讀易解有會心之樂而
無望洋之歎矣由此登堂入室將見二千年
來大法微言昭如日月不致塵封庶幾於斯
道不無小補云爾

傷寒傳經從陽化熱從陰化寒原委

六經爲病盡傷寒氣同病異豈期然推其形藏原
非一因從類化故多端明諸水火相勝義化寒變
熱理何難漫言變化千般狀不外陰陽表裏間

註

六經謂太陽陽明少陽太陰少陰厥陰也爲

病盡傷寒謂六經爲病盡傷寒之變化也氣
同爲天之六氣感人爲病同也病異謂人受
六氣生病異也豈期然謂不能預先期其必
然之寒熱也推其形藏原非一謂推原其人
形之厚薄藏之虛實非一也因從類化故多
端謂人感受邪氣雖一因其形藏不同或從
寒化或從熱化或從虛化或從實化故多端
不齊也明諸水火相勝義謂水勝則火滅火
勝則水乾也化寒變熱理何難謂邪至其經

或從陰化爲寒或從陽變爲熱卽水火相勝
從化之理何難明也漫言變化千般狀二句
謂傷寒變化千般總不外乎陰陽表裏間也

太陽風邪傷衛衄證

中風傷衛衄浮緩頭項強痛惡寒風病卽發熱汗
自出鼻鳴乾嘔桂枝功

註

中風病名也傷衛謂風傷衛也衄浮緩謂中
風衄也頭痛項強惡寒惡風發熱汗自出鼻
鳴乾嘔謂中風證也桂枝功謂桂枝湯功能

治中風虛邪也詳太陽上篇

太陽寒邪傷營衄證

傷寒傷營衄浮緊頭疼身痛惡寒風無汗而喘已
未熱嘔逆麻黃湯發靈

註

傷寒病名也傷營謂寒傷營也衄浮緊謂傷

寒衄也頭疼身痛惡寒惡風無汗而喘或已

發熱或未發熱嘔逆謂傷寒證也麻黃湯發

謂傷寒實邪當與麻黃湯發汗最靈也詳太

陽中篇

風寒營衛同病衄證

中風浮緊徧身痛頭疼發熱惡寒風乾嘔無汗兼煩躁傷寒身重乍時輕浮緩嘔逆無汗喘頭疼發熱惡寒風煩躁而無少陰證營衛同病大青龍

註

中風謂風傷衛之病也頭疼發熱惡風惡寒乾嘔中風之證也浮緊寒傷營之衄也身疼痛寒傷營之證也今以中風之病而得傷寒之衄與證更兼不汗出之表實內熱之煩躁也傷寒謂寒傷營之病也身重不痛乍有輕

時風傷衛之證也浮緩風傷衛之脈也嘔逆
無汗而喘頭疼發熱惡寒惡風寒傷營之證
也是以傷寒之病而得中風之脈與證更兼
太陽無汗內熱之煩躁也而無少陰證謂無
身重但欲寐之證也營衛同病謂風寒中傷
營衛同病也二證皆無汗實邪故均以大青
龍湯發之詳太陽下篇

誤服三湯致變救逆

傷寒酒病桂勿與嘔吐不已血膿鮮尺遲服麻致

漏汗惡風肢急小便難微弱汗風青龍發厥惕悸
眩熱仍然身瞤振振欲擗地桂加附子真武痊

註

傷寒謂傷寒無汗之實邪也酒病謂病酒狀
似中風也桂勿與謂皆勿與桂枝湯也誤與
傷寒則表氣愈固裏氣更逆嘔吐不已也誤
與酒病則濕熱內釀傷營吐血膿也此皆誤
用桂枝湯之變證當隨其變證治之可也尺
遲謂傷寒尺中脈遲也服麻謂服麻黃湯發
汗遂致汗出不止名曰漏汗也肢急四肢拘

急也小便難謂小便少而難也傷寒衄證當
用麻黃湯發汗若尺中衄遲是營氣不足不
可發汗若誤發之則致漏汗惡風四肢拘急
小便難等變證也當以桂枝加附子湯救逆
可也微弱謂大青龍證衄微弱也汗風謂大
青龍證自汗惡風也大青龍證衄不浮緊若
浮緩而微弱反汗出是大青龍衄證未具也
誤以大青龍發之致其人厥冷筋惕心悸頭
眩熱仍不退身肉瞤動也振振欲擗地謂聳

動不已不能興起欲墮於地也此皆誤與大
青龍湯發汗之變證當以真武湯救逆可也
詳太陽篇

三陽受病傳經欲愈衄證

傷寒一日太陽病欲吐煩躁數急傳陽明少陽證
不見衄靜身和爲不傳

註

傷寒一日太陽受病二日陽明受病三日少
陽受病此其傳經之常也若初病頗欲吐煩
躁衄數急者謂邪盛傳經而不解也二三日

陽明少陽證不見脈靜身無所苦者謂邪衰
不傳欲自愈矣

陽明表病脈證

葛根浮長表陽明緣緣面赤額頭疼發熱惡寒而
無汗目痛鼻乾臥不寧

註

太陽未罷又傳陽明太陽表邪怫鬱陽明肌
熱爲陽明經表病也葛根表陽明謂葛根湯
主治陽明表病也浮長謂陽明之表脈也緣
緣面赤連額頭疼發熱惡寒無汗目痛鼻乾